

安徽通志金石古物考稿

十四



安徽通志稿

南陵徐乃昌纂

金石古物考十三

石刻摩崖二

宋

黃表等題名

在盱眙縣第一山

石泐據乾隆盱眙縣志錄入

紹興庚戌蜀人黃表三山張時修來迓北客適中秋日同部使者

毘陵李祥太守京口霍麓遊東山至玻璃泉待月而歸

按庚戌為建炎四年其明年辛亥為紹興元年今云紹興庚戌

疑誤

王錫元盱眙縣志彙

東里王弗等題名 在潛山縣石牛洞

拓本高二尺一寸廣一尺九寸五分六行行七字正書

東里王弗被

命按田江淮知州

事海陵周方文郡

幕新安胡舜舉吳

興□輝紹興丙辰

四月廿一日同游

按潛山縣志文職表及寺觀門云周方文舒州知州紹興初

重建慶基殿殿在真源宮宮在縣北十五里山谷寺左又宋

詩紀事補遺胡舜舉徽州績溪人舜陟弟建炎二年進士紹

興中知建昌軍治本忠恕不輕以刑辱加民著有盱江志

化城窩林庇民等題名

在貴池縣齊山左史洞

正書  
齊山巖洞志未見據



林庇民馮彭年汪致道同游左史洞紹興九年十月廿□日題

寄隱巖蔡禪等題名

在貴池縣齊山

拓本高八寸廣三寸四行  
行字大小不等正書左行

蔡禪何逢原

范寅賓

紹興丁卯

二月十一日

寄隱巖向仲堪等題名

在貴池縣齊山

拓本高一尺一寸廣四寸五分  
分二行行字大小不等正書

向仲堪徐梓沈詠徐槩

紹興戊辰閏八月二十九日同游

寄隱巖□陽□稱鍾峯等題名

在貴池縣齊山

拓本高一尺五寸廣三寸  
二行行字大小不等正書

陽稱鍾峯祖美龜阜無澤

同游紹興戊辰

寄隱巖劉鑑詩在貴池縣齊山

拓本高二尺四寸五分廣一尺八寸  
二分八行行十字字徑二寸正書

攀蘿挽葛上崎嶇筋力疲

時頻崖谷雲封窗

窈石林苔潤嶙峋餘生

轉徙為羈客無處安排着

老身喜有崑扁堪寄隱平

生況是箇中人

建安劉鑑紹興辛未秋

九月下澣遊齊山寄隱岩

古滕時檄等題名

在桐城縣浮山

拓本高一尺七寸廣三尺五分  
八行行字大小不等正書左行

古滕時檄定國

太原王習時敏

睢陽朱昕景初

大梁李深德困

紹興壬申二月

望日同住持正

蟾遍遊諸窟

山門監寺道□命工刻石

鍾離松等題名

在盱眙縣第一山



拓本高一尺一寸五分廣九寸字徑一寸六分篆書

鍾離松公陶

陶仲應子紹霞

柴西畧曼寺十

五日同游松止

生張一正陶

子鑾加

右題名篆書鍾離松陶定仲皆不見于史仁宗朝有鍾離瑾廬

州合肥人官龍圖閣待制權知開封府松豈其族裔耶嚴可均鐵橋金

跋石

石鼓洞斛德元題名在貴池縣齊山

拓本高二尺五分廣一尺八寸五分行字大小不等正書



開封斛德元玉

□趙執礼建安

□嘉善東蒙

□□□紹興丁

丑六月□日同游

修路題記在盱眙縣第一山

拓本高六尺五寸廣二尺六寸字徑六寸正書

時丁丑

紹興二十七年十二月記修此路

鑿險崖取平路往來人

宜照顧舉脚□□躡露

石柱山開道記在溧縣西一百里石柱山觀音巖

正書  
據涇縣志錄入

時丁丑紹興二十七年十二月記□□鑿險崖取平路往來人

宜□顧舉□□全體靈

石柱山觀音巖峭壁揮天平削如砥乾隆十八年正月崖崩碑

露其字半漫漶可讀者二十八字  
乾隆涇縣志

寄隱巖徐來題名  
在貴池縣齊山

拓本高八寸廣三寸五分  
三行行字大小不等正書

睢陽徐來游紹興

戊寅二月庚戌男迺老

孫□□紀□侍行

石鼓洞湯元識等題名  
在貴池縣齊山

拓本高二尺廣一尺八寸  
行五字字徑四寸正書

湯元識元廣

檀仲喬高元

鎮以紹興戊

寅端午前一

日同景德懃

化□來遊

壽字巖顓子固等題名

在貴池縣齊山

拓本高四尺三寸六分廣三尺二寸五分  
分七行行十三字字徑三分分書

郡丞鮒公鮮組遷

朝錢別秀齊山者十有九人顓子

固張元珪岳毅叔劉子升孟冲之

王伊仲陸子東劉容遠戴文學馬



仲明孫禮妻張氏通向思謙周和

村白舜王李子大陳平村朱有功

紹興己卯中春三日向開村書

小九華胡寅等題名在貴池縣齊山

拓本高一尺八寸廣一尺五寸  
五行行七字字徑二寸正書

□ □ □ □ □ □ □ □ □ □

良俊胡寅元伯登

於齊山岳□勸老

振錫以□乃同郡

人紹興戊□年

二月三日□□

按小九華在九頂洞北此刻為紹興戊缺年二月三日紹興有



戊午戊辰戊寅不知為何年矣趙紹祖安

漫巖二大字在貴池縣齊山

拓本高一尺八寸廣一尺三寸三行字不一漫巖二字字徑七寸正書

江湖漫仕鮑延祖立

漫巖

桐栢外史吳說書

此漫巖二大字吳說正書說為江湖漫士鮑延祖作也延祖見

宋史汪藻傳藻紹興八年上所修詔旨凡六百六十五卷并顯

謨閣直學士其屬鮑延祖孟處義增秩有差茲稱江湖漫士乃

延祖之號也則仕當作士吳說字傳朋錢唐人廣陵王逢原之

外孫官至郎中樓大防云錢唐吳傳朋游絲字前無古人劉世貴

池金石記

隆興癸未題名殘字 在盱眙縣第一山

石高一尺八寸五分末行殘泐廣不可辨字徑四寸五分行書拓本未見據盱眙縣志彙錄入

隆興癸未秋仲乙亥平□質并缺下

左史洞韓无咎等題名 在貴池縣齊山

正書拓本未見據齊山巖洞志錄入

韓元吉无咎李庚子長乾道丁亥十月十七日同登齊山歷覽諸

洞

青社張學古等題名 在潛山縣石牛洞

拓本高一尺七寸廣一尺九寸五分六行行六字字徑二寸二分書

青社張學古子

行學益子思學

口子呈桐鄉朱

口燕行之乾道

六季上巳日佳

山老海欽同遊

琴高巖三大字在涇縣琴高山

篆書拓本未見  
據涇縣志錄入

琴高崑

乾道癸巳三山林淳篆

王相題名在潛山縣石牛洞

拓本未見據潛  
山縣志錄入

獨來徜徉遊於水石上暮而忘歸淳熙元年春分日王相題名

許衡蔣藏錢聞詩雅茂等題名在潛山縣石牛洞

拓本高二尺廣一尺三分  
六字字徑二寸五分書行



許衡蔣巖錢聞

詩雅茂淳熙甲

今九月六日來

按宋詩紀事錢聞詩字子言成都人淳熙中知南康軍有廬

山雜著

陸同等題名在潛山縣石牛洞

拓本未見據潛山縣志錄入

郡別駕歷陽陸同彥和邀吳興徐棟隆甫芮嘉言仲謙錫山王子

溥繼祖嚴陵方開口朱俊義得臣淳熙乙未孟秋十月一日偕來

按陸同為舒州通判見秩官文職表

潛山縣志

延陵吳國佐等題名在潛山縣石牛洞

拓本高三尺一寸廣三尺八行行九字正書左行

延陵吳國佐邦弼歷陽

陸同彥和相拉挈家自

城中訪真源過天祚晚

飯山谷徜徉終日薄莫

而歸彥和之子世良君

進惟良君顯偕焉淳熙

丁酉寒食日泉南曾種

獻之識姪常男晏侍行

按曾種溫陵人淳熙知舒州見秩官文職表

潛山縣志

留正題山谷詩在潛山縣石牛洞山谷寺

拓本高二尺二寸五分廣二尺四寸詩四行行七字字徑三寸題名四行行字不等均正書

先生仙去幾經年